

## SECTIO III

*fistit Conciliarum canones, ac decreta.*

### §. I.

#### APOSTOLORUM CANON XXV. (a)

” **E**x his, qui cœlibes in Clerum pervenerunt, jubemus, ut lecto-  
” res tantum, & cantores, si velint, nuptias contrahant.

---

(a) Ita editio Corporis Juris Canonici, quam BOEHMERUS *Corp. Jur. Canon. Tom. I. pag. 1231.* retinuit. Apud ZONARAM in *Can. Ss. Apost. Canon. XXVI.* est, qui habet: *Ex non conjugatis ad clerum evectis conjuges accipere volentibus, permittimus hoc lectoribus, & cantoribus solis.* Apud BINIUM *Concil. Tom. I. Part. I. pag. 7.* & GONZALEZ TELLEZ in *Comment. in Cap. I. X. de vita & honest. cler. Canon. XXVII.* est, qui habet: *Innuptis autem, qui ad clerum proveci sunt, præcipimus, ut si voluerint, uxores accipiant, sed lectores, cantoresque tantummodo.* Huic concordat editio Canonum Apostolorum Moguntina de anno 1535. PITHOEUS in *Cod. Canon. pag. 12.* nec non HARTZHEIM *Concil. German. Tom. I. pag. 133.* BEVEREGIO in *Cod. Canon. Eccles. primitiv. Lib. I. Cap. V. §. 6.* (\*) rursus est canon vicefimus sextus, qui habet: *Ex his, qui non ducta uxore ad Clerum promoti sunt, jubemus, si velint, uxores ducere lectores & cantores solos.* De horum Canonum prima origine, antiquitate, collectione, renovatione ac confirmatione fufius agit laudatus BEVEREGIUS *cit. Lib. I. Cap. II. III. & IV.*

---

(\*) Apud COTELERIUM *Ss. Patrum, qui temporibus Apostolicis floruerunt, Oper. Vol. II. Part. II. pag. 25.*

### §. II.

#### CONCILIIUM ELIBERITANUM *Can. XXXIII.* (a)


” **P**lacuit in totum prohiberi Episcopis, Presbyteris, & Diaconib.  
” vel omnibus Clericis positis in Monasterio abstinere se a con-  
” jugibus suis, & non generare filios; quicumque vero fecerit, ab  
” honore clericatus extermineretur.

---

(a) Apud BINIUM *Concil. Tom. I. Part. I. pag. 195.* Conferatur ANTONIUS AUGUSTINUS *Jur. Pontif. veter. Epit. Lib. VII. Tit. XVII. Cap. 10.*

§. III.





## §. III.

CONCILIIUM ANCYRANUM *Canon. IX. vel X. (a)*

„ **D**iaconi quicumque, cum ordinantur, si in ipsa ordinatione protestati sunt, dicentes: velle se habere uxores, nec posse se continere; hi si postea ad nuptias venerint, maneat in ministerio propterea quod his Episcopus licentiam dederit. Quicumque sane tacuerunt, & susceperunt manus impositionem, professi continentiam, si postea ad nuptias venerint, a ministerio cessare debent. „

(a) *DISTINCT. XXVIII. C. 8. Et apud BINIUM cit. Part. I. pag. 228. VOELLIUM & JUSTELLUM Biblioth. Jur. Canon. Tom. I. pag. 278. & PITHOEUM in Cod. Canon. pag. 51. ÆNEAS Parisiensis Episcopus apud LUPUM Synod. General. Tom. III. Dissert. I. Cap. I. pag. 7. legit: „ Diaconi quoque cum ordinantur, si in ipsa ordinatione protestati sunt, dicentes: velle se habere uxores, neque posse se continere, hi postea si ad nuptias convenerint, maneat in clero tantum, & a ministerio abjiciantur. Quicumque vero tacuerint, & susceperint manus impositionem professi continentiam, & postea ad nuptias convenerint, a ministerio vel clero cessare debent, laicam tantum communionem recipientes. „*

## §. IV.

CONCILIIUM NEOCÆSAREENSE *Cap. I. (a)*

„ **P**resbyter si uxorem acceperit, ab ordine deponatur. Si vero fornicatus fuerit, vel adulterium perpetraverit, amplius pelli debet, & ad pœnitentiam redigi. „

(a) *Apud BINIUM cit. Part. I. pag. 234. VOELLIUM, & JUSTELLUM Tom. I. pag. 281. & PITHOEUM cit. Cod. pag. 56. Conferatur LUPUS cit. Dissert. I. Cap. II. pag. 69.*

## §. V.

SYNODUS ROMANA II. sub SYLVESTRO *Cap. XIX. (a)*

„ **N**emo enim presbyter a die onus presbyterii sumat conjugium, ut si quis neglecto exierit, duodecim annis eum dicimus privari honore. Quod si quis contra hunc cirographum presentem ac publice egerit dictum, condemnatur in perpetuum. „

(a) *Apud*



(a) Apud BINIUM *cit. Part. I. pag. 260. lit. i.* notantem, vix integrum ver-  
sum inveniri, in quem mendum non irreperit. Consulatur BERARDUS  
*de Gratian. Canon. Part. I. Cap. VI.* qui totum concilium inter apocrypha  
monumenta recenset.

## §. VI.

### CONCILIIUM ARELATENSE II. *Cap. II. (a)*

„ Assumi aliquem ad Sacerdotium in conjugii vinculo constitutum  
„ non oportet, nisi fuerit promissa conversio.,,

### IDEM *Cap. III. (b)*

„ Si quis clericus a gradu diaconatus, in solatio suo mulierem,  
„ præter aviam, matrem, sororem, filiam, neprem, vel conver-  
„ sam secum uxorem habere præsumpserit, a communione alienus  
„ habeatur. Par quoque, & mulierem: (si se separare noluerit)  
„ poena percellat.,,

(a) DISTINCT. XXVIII. C. 6. & apud BINIUM *cit. Part. I. pag. 564.* De  
tempore hujus Concilii conferantur laudatus BINIUS *cit. Part. I. pag.*  
*566.* & BERARDUS *de Gratian. Canon. Part. I. Cap. 4. pag. 47.*

(b) Apud BINIUM *cit. Pag. 564.*

## §. VII.

### CONCILIIUM TAURINENSE *Cap. VII. (a)*

„ Hi autem, qui contra interdictum sunt ordinati, vel in minis-  
„ terio genuerunt filios, ne ad majores gradus ordinum per-  
„ mittantur, Synodi decrevit authoritas.,,


(a) Apud BINIUM *cit. Part. I. pag. 568.* & HARDUINUM *Concil. Tom. I.*  
*Column. 886.*

## §. VIII.

### CONCILIIUM CARTHAGINENSE II. *Can. III. (a)*

„ Aurelius Episcopus dixit: Cum præterito concilio de continen-  
„ tia, & castitatis moderamine tractaretur, gradus isti tres, qui  
„ constrictione quadam castitatis per consecrationes adnexi sunt:  
„ Episcopos, inquam, presbyteros & diaconos, ita complacuit, ut  
„ concedet sacros antistites, ac Dei sacerdotes, nec non & Levitas,  
„ vel qui sacramentis divinis inserviunt, continentes esse in omni-  
„ bus,





„ bus, quo possint simpliciter, quod a Domino postulant, impetra-  
 „ re, ut quod Apostoli docuerunt, & ipsa servavit antiquitas, nos  
 „ quoque custodiamus.,,

IDEM *Can. IV.*

„ Faustinus Episcopus Ecclesiae Potentinae, provinciae Piceni, lega-  
 „ tus Romanus Ecclesiae, dixit. Placet, ut Episcopus, presby-  
 „ ter, & diaconus, vel qui sacramenta contrectant, pudicitiae custo-  
 „ des ab uxoribus se abstineant. Ab universis Episcopis dictum est:  
 „ placet, ut in omnibus pudicitia custodiatur, qui altari inserviunt.,,

(a) Apud BINIUM *cit. Part. I. pag. 571.* VOELLIUM & JUSTELLUM *cit. Tom. I. pag. 335.* PITHOEUM *cit. Cod. pag. 132.* & BERARDUM *cit. Part. I. Cap. 15. pag. 176.* Conferatur DISTINCT. LXXXIV. C. 3. Contra editio correctâ apud SCHELSTRATE *de Ecclesia Africana Dissert. III. Cap. IV. Can. II.* habet: „ Epigonius Episcopus Bullensium Regionum dixit: cum in præterito Concilio, de continentiae & castitatis moderamine tractaretur, gradus isti tres, qui constrictione quadam castitati per consecrationes annexi sunt, Episcopus, inquam, Presbyter, & Diaconus, tractatu pleniore, ut pudicitiam custodiant, doceantur. Genethlius Episcopus dixit: ut superius dictum est, decet sacrosanctos Antistites, & Dei Sacerdotes, nec non & levitas, vel qui sacramentis divinis inserviunt, continentes esse in omnibus: quo possint simpliciter, quod a Deo postulant, impetrare: ut quod Apostoli docuerunt, & ipsa servavit antiquitas, nos quoque custodiamus. Ab universis Episcopis dictum est: omnibus placet, ut Episcopi, Presbyteri, & Diaconi, vel qui sacramenta contrectant, pudicitiae custodes, etiam ab uxoribus se abstineant: ut in omnibus & ab omnibus pudicitia custodiatur, qui altari deserviunt.,,

§. IX.

CONCILIIUM CARTHAGINENSE III. *Cap. XIX. (a)*

„ Placuit, ut lectores, cum ad annos pubertatis venerint, cogantur aut uxores ducere, aut continentiam profiteri.,,

IDEM *Cap. XXV. (b)*

„ Ut clerici vel continentes, ad viduas, vel virgines, nisi jussu vel permisso Episcoporum aut Presbyterorum, non accedant.  
 „ Et hoc non soli faciant, sed cum clericis, vel cum his, cum quibus Episcopus jusserit vel presbyter. Nec ipsi Episcopi aut presbyteri soli habeant accessum ad hujusmodi foeminas, nisi aut clerici praesentes sint, aut graves aliqui Christiani.,,

(a) Apud



(a) Apud BINIUM *cit. Part. I. pag. 575.* & LUPUM *cit. Dissertat. I. Cap. 3. pag. 26.* Conferatur DISTINCT. LXXXI. C. 32. & BERARDUS *cit. Cap. 15. pag. 180.*

(b) Alterius editionis Canon XXV. apud BINIUM *cit. Part. I. pag. 580.* sonat. „ Aurelius Episcopus dixit: Addimus fratres charissimi præterea, „ cum de quorundam clericorum, quamvis lectorum, erga uxores pro- „ prias incontinentia referretur, placuit, quod & in diversis conciliis fir- „ matum est, ut subdiaconi, qui sacra mysteria contrectant, & diaconi & „ presbyteri, sed & Episcopi secundum priora statuta etiam ab uxoribus „ se contineant: ut tanquam non habentes videantur esse: quod nisi fece- „ rint, ab ecclesiastico removeantur officio. Cæteros autem clericos ad „ hoc non cogi, nisi maturiori ætate. Ab universo Concilio dictum est, „ quæ vestra sanctitas est iuste moderata, & sancta & Deo placita sunt, „ confirmamus. „

## §. X.

### CONCILIIUM CARTHAGINENSE V. *Can. III. (a)*

„ Præterea cum de quorundam clericorum, quamvis erga uxores „ proprias, incontinentia referretur, placuit Episcopos & pres- „ byteros, & diaconos secundum propria statuta, etiam ab uxori- „ bus continere. Quod nisi fecerint, ab ecclesiastico removeantur „ officio. Cæteros autem clericos ad hoc non cogi, sed secundum „ uniuscujusque Ecclesiæ consuetudinem observari debere. „

(a) Apud BINIUM *cit. Part. I. pag. 593.* VOELLIUM & JUSTELLUM *cit. Tom. I. pag. 143.* PITHOEUM *cit. Cod. pag. 136.* & LUPUM *cit. Cap. 3. pag. 20.* Conferatur DISTINCT. XXXII. C. 13. & BERARDUS *cit. Cap. 15. pag. 202.*

## §. XI.

### CONCILIIUM TOLETANUM I. *Can. I. (a)*

„ Placuit, ut Diacones, si vel integri, vel casti sint, & continentis „ vitæ, etiam si uxores habeant, in ministerio constituentur: ita „ tamen, ut si qui etiam ante interdictum, quod per Lusitanos „ Episcopos constitutum est, incontinenter cum uxoribus suis vixe- „ rint, Presbyterii honore non cumulentur. Si quis vero ex pres- „ byteris ante interdictum filios susceperit, de presbyterio ad Epif- „ copatum non permittatur. „





(a) Apud BINIUM *cit. Part. I. pag. 597.* & HARDUINUM *Concil. Tom. I. Column. 990.*

## §. XII.

CONCILIIUM AFRICANUM *sub Bonifacio & Celestino Cap. XXXVII. (a)*

„ Præterea cum de quorundam clericorum, quamvis erga uxores  
 „ proprias incontinentia referretur: placuit, Episcopos & pres-  
 „ byteros & diaconos, secundum priora statuta, etiam ab uxoribus  
 „ continere. Quod nisi fecerint, ab ecclesiastico removeantur offi-  
 „ cio. Cæteros autem clericos ad hoc non cogi, sed secundum  
 „ uniuscujusque Ecclesiæ consuetudinem observari debere. „

(a) Apud BINIUM *cit. Part. I. pag. 749.* PITHOEUM *cit. Cod. pag. 152.* & HARTZHEIM *Concil. Germ. Tom. I. pag. 216.*

## §. XIII.

CONCILIIUM ARAUSICENSE *Cap. XXII. & XXIII. (a)*

„ Sedit præterea, ut deinceps non ordinentur Diacones conjugati,  
 „ nisi, qui prius, conversionis proposito, professi fuerint castitatem.  
 „ Si quis autem post acceptam benedictionem leviticam cum  
 „ uxore sua incontinens invenitur, ab officio abjiciatur. „

(a) Apud BINIUM *cit. Tom. I. Part. II. pag. 499.* & HARDUINUM *Concil. Tom. I. Column. 1786.*

## §. XIV.

CONCILIIUM VENETICUM *Can. XI. (a)*

„ Presbyteri, diaconi, atque subdiaconi vel deinceps, quibus du-  
 „ cendi uxores licentia non est, etiam alienarum nuptiarum evi-  
 „ tent convivium, ne his cœtibus misceantur, ubi amatoria cantantur  
 „ & turpia, aut obscœni motus corporis, choris & saltibus efferun-  
 „ tur, ne auditus & obtutus sacris mysteriis deputati, turpium  
 „ spectaculorum atque verborum contagio polluantur. „

(a) Apud BINIUM *Concil. Tom. II. Part. I. pag. 421.* & HARDUINUM *Concil. Tom. II. Column. 798.*



## §. XV.

CONCILIIUM TURONICUM I. *Cap. I. (a)*

„ **P**rimo ergo loco, sacerdotes vel ministri Ecclesiæ, de quibus  
 „ dictum est, *Vos estis lux mundi*, ita in omni sancta conversa-  
 „ tione a Dei timore actus suos dirigant, ut & divinæ possint pla-  
 „ cere clementiæ, & bonum fidelibus præbeant exemplum: quia si-  
 „ cut vae eis interminatur, per quos nomen Dei blasphematur, ita  
 „ illi immortalitatis gloriam consequentur, per quorum actus no-  
 „ men Dei benedicatur. Si enim universis fidelibus, secundum apos-  
 „ tolicam doctrinam, castitas custodienda indicitur, ut qui habent  
 „ uxores ita sint, quasi non habentes: quanto magis sacerdotes Dei,  
 „ ac levitæ divino mancipati altari, custodire debent, ut non solum  
 „ cordis, verum etiam corporis puritatem servantes, pro plebe sup-  
 „ plicaturi, preces illorum ad divinum mereantur introire auditum?  
 „ quia secundum auctoritatem Apostoli, qui in carne sunt, Deo  
 „ placere non possunt. Vos autem non estis in carne, sed in spi-  
 „ ritu. Et iterum: Omnia munda mundis, coinquinatis autem &  
 „ infidelibus nihil est mundum: sed polluta est eorum & mens &  
 „ conscientia. Cum ergo laico abstinencia imperetur, ut possit ora-  
 „ tioni vacans, & Deum deprecans, exaudiri: quanto magis sacer-  
 „ dotibus vel levitis, qui omni momento parati esse debent in om-  
 „ ni munditia & puritate, securi, ne aut sacrificium offerre, aut  
 „ baptizare, si id temporis necessitas poposcerit, cogantur imparati  
 „ aut immundi? Qui si contaminati fuerint carnali concupiscentia,  
 „ qua fronte excusabunt, quo pudore usurpabunt, qua conscientia,  
 „ quo merito exaudiri se credent? „

IDEM *Cap. II.*

„ **E**t licet a patribus nostris e commissa auctoritate id fuerit con-  
 „ stitutum, ut quicumque sacerdos vel levita, filiorum procrea-  
 „ tioni operam dare fuisset convictus, a communione dominica ab-  
 „ stineret; nos tamen huic restrictioni moderationem adhibentes, &  
 „ iusta constitutione mollientes, id decrevimus, ut sacerdos vel le-  
 „ vita conjugali concupiscentiæ inhærens, vel a filiorum procreatio-  
 „ ne non desinens, ad altiorem gradum non conscendat, neque sa-  
 „ crificia Deo offerre, vel plebi ministrare præsumat. Sufficiat his  
 „ tantum, ut a communione non efficiantur alieni. Sed ut hæc va-  
 „ „ leant





„ leant observare, fomitem omnium vitiorum oportet abscindi,  
 „ Apostolo præcipiente: Nolite inebriari vino, in quo est luxuria.  
 „ Et quam gravi ebrietas supplicio expietur, eadem Apostolica ma-  
 „ nifestat doctrina, inter cætera dicens: neque fornicatores, neque  
 „ idolis fervientes, neque ebriosos regnum Dei possessuros. Si quis  
 „ vero in omni officio clericali Deo militans, ab ebrietate se non  
 „ abstinere, secundum status sui ordinem competens in eum vindicta  
 „ tribuatur.„

(a) Apud BINIUM *cit. Part. I. pag. 444.* & HARDUINUM *cit. Tom. II. Column. 793. & 794.*

## §. XVI.

### CONCILIIUM AGATENSE *Can. XXXIX. (a)*

„ Presbyteri, Diaconi, Subdiaconi, vel deinceps quibus ducendi  
 „ uxores licentia non est, etiam alienarum nuptiarum evitent  
 „ convivia: nec his cætibus misceantur, ubi amatoria cantantur &  
 „ turpia, aut obscæni motus corporum choreis & saltationibus ef-  
 „ feruntur: ne auditus aut obtutus sacris mysteriis deputati turpium  
 „ spectaculorum, atque verborum contagione polluantur.„

(a) DISTINCT. XXXIV. *Can. 19. & apud BINIUM cit. Part. I. pag. 556. & HARDUINUM cit. Tom. II. Column. 1002.*

## §. XVII.

### CONCILIIUM GERUNDENSE *Can. VI. (a)*

„ De conversione vitæ id statuere placuit, a Pontifice usque ad  
 „ subdiaconum, post suscepti honoris officium, si qui ex con-  
 „ junctis fuerint ordinati, ut sine conjugate habitent: quod si habi-  
 „ rare voluerint, alterius fratris utatur auxiliis, cujus testimonio vi-  
 „ ra ejus debeat clarior apparere.„

(a) Apud BINIUM *cit. Part. I. pag. 618.* Edit. secundæ & HARDUINUM *cit. Tom. II. Column. 1044.*

## §. XVIII

### CONCILIIUM AURELIANENSE III. *Can. II. (a)*

„ Ut nullus clericorum, a subdiacono & supra, & quos uxores  
 „ in proposito suo accipere inhibetur, propriæ, si forte jam  
 „ ha-



» habeat, misceatur uxori. Quod si fecerit, laica communione contentus, juxta priorum Canonum statuta ab officio deponatur. Quem si sciens Episcopus suus in hac vilitate permixtionis viventem, ad officium postea admiserit, & ipse Episcopus ad agendam pœnitentiam tribus mensibus sit a suo officio sequestratus.,»

(a) Apud BINIUM *cit. Tom. II. Part. II. pag. 27.* & AUGUSTINUM *Jur. Pontif. vet. Epit. Lib. VII. Tit. XXVII. Cap. 17.*

### §. XIX.

#### CONCILIIUM ARVERNENSE *Can. XII. (a)*

» Cum presbyteri atque diaconi, sublimi dignitatis apice prærogentur, actibusque omnino seculi renuntient, & ad sacrum ministerium electi, repudient, & quisquis est presbyter atque diaconus, divino munere benedictione percepta, uxoris suæ prius, frater ilico efficiatur ex conjugē: attamen quosdam reperimus ardore libidinis inflammatos abjecto militiæ cingulo, vomitum pristinum & inhibita rursus conjugia reperisse, atque incesti quodammodo crimine clarum decus sacerdotii violasse, quod nati etiam filii prodiderunt. Quod quisquis fecisse, cognoscitur, omni in perpetuum, quam admissio jam, crimine perdidit, dignitate privabitur.,»

(a) Apud BINIUM *cit. Part. II. pag. 32.* & AUGUSTINUM *cit. Tit. XVII. Cap. 18.*

### §. XX.

#### CONCILIIUM AURELIANENSE IV. *Can. XVII. (a)*

» Ut Sacerdotes sive diaconi, cum conjugibus suis non habeant communem lectum, & cellulam, ne propter suspicionem carnalis consortii religio maculetur. Quod si fecerint, juxta præfatos canones ab officio degradentur.,»


(a) Apud BINIUM *cit. Part. II. pag. 36.* & HARDUINUM *cit. Tom. II. Columnn. 1438.*

### §. XXI.

#### CONCILIIUM AURELIANENSE V. *Can. IV. (a)*

» Si quis clericus post acceptam benedictionem cujuslibet loci vel ordinis, ad conjugalem thorum, jam sibi illicitum, denuo redire





„ dire præsumpserit, usque in diem vitæ ab honore accepti ordinis,  
 „ & sicut habent antiquorum Patrum canones, ab officio depona-  
 „ tur, ei tantummodo communionem concessa.,,

(a) Apud BINIUM *cit. Part. II. pag. 38.* & AUGUSTINUM *cit. Tit. XVII. Cap. 21.*

## §. XXII.

### CONCILIIUM TURONENSE II. *Cap. XIII (a)*

„ Episcopus conjugem, ut sororem, habeat: & ita sancta guber-  
 „ natione gubernet domum omnem, tam Ecclesiasticam, quam  
 „ propriam, ut nulla de eo suspicio quaqua ratione confurgat. Et  
 „ licet, Deo propitio, Clericorum suorum testimonio castus vivat,  
 „ quia cum illo tam in cella, quam ubicunque fuerit, secum habi-  
 „ tent, eumque Presbyteri, & Diaconi vel deinceps clericorum tur-  
 „ ba juniorum, Deo adiutore, conseruent: sic tamen propter zelo-  
 „ tem Deum nostrum, tam longe absint, mansionis propinquitatem  
 „ divisi, ut nec hi, qui ad spem recuperandam Clericorum servitu-  
 „ te nutriuntur, famularum propinqua contagione polluantur.,,

### IDEM *Cap. XX.*

„ Archipresbyteri vicani, & Diaconi, & Subdiaconi, non quidem  
 „ omnes, sed plures in hac suspitione tenentur a populo, quod  
 „ cum conjugibus suis maneant. Pro qua re hoc placuit observa-  
 „ re, ut quoriescunque Archipresbyter seu in vico manserit, seu  
 „ ad villam suam ambulaverit, unus lector canonicorum suorum,  
 „ aut certus aliquis de numero clericorum cum illo ambulet, & in  
 „ cella, ubi ille jacet, lectum habeat pro testimonio. Septem tamen  
 „ inter subdiaconos & lectores vel laicos habeat concessos, qui vi-  
 „ cissim septimanas suas cum illo facere omnino procurent: & qui  
 „ distulerit, fustigetur. Et si in hoc Presbyter negligens inventus  
 „ fuerit, quod non hoc sic implere contendat, triginta diebus com-  
 „ munionem priveretur, donec pœnitentiam agat, & sic revertatur ad  
 „ gratiam. Reliqui Presbyteri, & Diaconi ac subdiaconi vicani,  
 „ hoc studiose custodiant, ut mancipiola sua ibi maneant, ubi uxo-  
 „ res suæ: illi tamen segregati solitarii in cella jaceant, & orent,  
 „ & dormiant. Nam qui uxores non habent, in parte de manci-  
 „ piolis suis habeant cellulas segregatim, ubi & ipsi itidem & orent  
 „ se-



„ segregati & dormiant. Nam si inventus fuerit presbyter cum  
 „ sua presbytera, aut Diaconus cum sua Diaconissa, aut Subdiaconus  
 „ cum sua Subdiaconissa, annum integrum excommunicatus ha-  
 „ beatur, & depositus ab omni officio clericali, inter laicos se ob-  
 „ servare cognoscat: eo tamen permisso, ut inter lectores in psal-  
 „ lentium choro colligatur. Illi vero Archipresbyteri, qui talem  
 „ cautelam super juniores suos habere noluerint, & non eos ha-  
 „ buerint studio distringendi, ab Episcopo suo in civitate retru-  
 „ dantur in cellam, ibique mense integro panem cum aqua man-  
 „ ducent, & pœnitentiam agant pro sibi credito clero: quia nulli  
 „ clericorum, juxta sententiam canonum, cum conjuge sua manere  
 „ permittitur. „

(a) Apud BINIUM *cit. Part. II. pag. 227. & seqq.* & HARDUINUM *Concil. Tom. III. Column. 360. & 362.*

### §. XXIII.

#### CONCILIIUM MATISCONENSE I. *Cap. XI. (a)*

„ Episcopi, presbyteri, vel universi honoratiores clerici, cum su-  
 „ blimi dignitatis apice sublimentur, actibus omnino renuncient  
 „ seculi, & sacro electi ministerio, repudient carnale consortium,  
 „ ac permixtionis pristinae contubernium permurent germanitatis  
 „ affectu &, quisquis ille est, divino munere benedictione percep-  
 „ ta, uxori prius suæ frater ilico efficiatur ex conjuge. Eos vero,  
 „ quos reperimus ardore libidinis inflammatos, abjecto religionis  
 „ cingulo, ad vomitum pristinum & inhibita rursus conjugia rediisse,  
 „ atque incesti quodammodo crimine clarum decus sacerdotii vio-  
 „ lasse, quod nati etiam filii prodiderunt; quod qui fecisse cognos-  
 „ citur, omni in perpetuum, quam admissio jam crimine perdidit,  
 „ dignitate privabitur. „

(a) Apud BINIUM *cit. Part. II. pag. 263.* & AUGUSTINUM *cit. Tit. XVII. Cap. 24.*

### §. XXIV.

#### CONCILIIUM LUGDUNENSE II. *Can. I. (a)*

„ Multa quidem anterioribus temporibus venerabilium patrum  
 „ sanxit autoritas: nunc tamen, quia crescente, Deo propitio,  
 H „ fide,





„ fide, oportet in clero, vel populo Catholico meliora salubri pon-  
 „ tificum consilio renovari: idcirco beatissimorum patrum statuta re-  
 „ miniscentes, hujus tituli definitione sancimus, ut nullum cleri-  
 „ cum, ab ordine sancto Antistitis usque ad subdiaconi gradum,  
 „ mulierem, præter matrem, amitam, & sororem, in hospitio suo  
 „ habere liceat. Placuit etiam, ut si quicumque uxoribus juncti, ad  
 „ diaconatus aut presbyteratus ordinem quoquo modo pervenerint,  
 „ non solum lecto, sed etiam frequentatione quotidiana debeant de  
 „ uxoribus suis sequestrari. Quod si, quod Deus avertat, de eo-  
 „ rum familiari contubernio post acceptam benedictionem infans na-  
 „ tus paruerit, ab officii gradu privetur.,,

---

(a) Apud BINIUM *cit. Part. II. pag. 265.* & HARDUINUM *cit. Tom. III. Column. 353.*

## §. XXV.

### CONCILIIUM TOLETANUM III. *Can. V. (a)*

„ Compertum est a sancto Concilio, episcopos, presbyteros, &  
 „ diaconos venientes ex hæresi, carnali adhuc desiderio uxori-  
 „ bus copulari. Ne ergo de cætero hoc fiat, præcipitur, quod &  
 „ canonibus prioribus terminatur, ut non liceat eis vivere libidino-  
 „ sa societate, sed manente inter eos fide conjugali, communem  
 „ utilitatem habeant, & non sub uno conclavi maneant. Vel certe,  
 „ si suffragatur virtus, in alia domo suam uxorem faciat habitare,  
 „ ut castitas apud Deum & apud homines habeat testimonium bo-  
 „ num. Si quis vero post hanc conventionem obscæne cum uxore  
 „ elegerit vivere, ut lector habeatur. Qui vero semper sub cano-  
 „ ne ecclesiastico jacuerunt, si contra veterum imperata in suis cel-  
 „ lulis mulierum, quæ infamiae suspicionem possunt generare, con-  
 „ sortium habuerint: illi canonicè quidem distringantur, mulieres  
 „ vero ab Episcopis venudentur, & pretium ipsum pauperibus  
 „ erogetur.,,

---

(a) Apud BINIUM *cit. Part. II. pag. 280.* AUGUSTINUM *cit. Tit. XVII. Cap. 22.* & LUPUM *cit. Dissert. I. Cap. 4. pag. 32.*

## §. XXVI.



## §. XXVI.

CONCILIUM ANTISIODORENSE *Can. XX. (a)*

„ Quod si presbyter, quod nefas est dicere, aut Diaconus, aut  
 „ Subdiaconus, post acceptam benedictionem infantes procrea-  
 „ verit, aut adulterium commiserit, & Archipresbyter hoc Episco-  
 „ po aut Archidiacono non intimaverit, integro anno non com-  
 „ municet.,,

IDEM *Can. XXI.*

„ Non licet Presbytero, in uno lecto post acceptam benedictionem  
 „ cum Presbyteris sua dormire, nec in peccato carnali misceri,  
 „ nec Diacono, nec Subdiacono.,,


(a) Apud BINIUM *cit. Part. II. pag. 296.* & AUGUSTINUM *cit. Tit. XVII. Cap. 25.*

## §. XXVII.

CONCILIUM TOLETANUM *VIII. Can. V. (a)*

„ Quintæ actionis impulsu pervenit ad totius Concilii sacrum au-  
 „ ditum, quosdam sacerdotes, & ministros, obliviscentes ma-  
 „ jorum, ac veterum constitutorum, aut uxorum, aut quarumcun-  
 „ que feminarum immunda societate, & execrabili contagione tur-  
 „ pari, & pessima cordis obstinatione, tam sacris literis, quam pa-  
 „ trum regulis obviantes, nec levi quidem respiramine contemplan-  
 „ tes, quod scriptum est: Sancti estote, quoniam & ego sanctus  
 „ sum, dicit Dominus. Et illud Apostolicum: Mortificate membra  
 „ vestra, quæ sunt super terram, id est, fornicationem & immun-  
 „ ditiam, concupiscentiam malam & avaritiam: quibus quanto est  
 „ pertinacior vis in malis, tanto austerioribus convenit obviare de-  
 „ cretis. Propter quod flagitiis detectis, specialiter hoc a sancto  
 „ Concilio definitur, ut omnes Episcopi id ipsum in suis quærere  
 „ solite curent. Et cum hoc verissime reperire potuerint, omnes  
 „ placita cautione taliter distringant, ut nunquam ulterius tam abo-  
 „ minanda committant. Mulieres vero seu liberæ sint, seu ancillæ  
 „ hac illis turpitudine sociatæ, ita omnimode separentur, aut certe  
 „ vendantur, ut ulterius ad consocios sui criminis revertendi om-  
 „ nem habeant aditum denegatum. Illi vero, si omnino coerceri





„ nequiverint, usque ad exitum vitæ suæ monasteriis deputati, dis-  
 „ ciplinis monasticis maneant omnino subiecti.,,

IDEM *Can. VI.*

„ Sextæ discussionis objecto, quorundam male sibi consciorum pa-  
 „ ruit denotatum elogium. Nam relatum est nobis, quosdam  
 „ subdiaconos, postquam ad sacri hujus ordinis pervenerint gradum,  
 „ non solum carnis immunditia sordidari, cum scriptum sit, Mun-  
 „ damini qui fertis vasa Domini: Sed etiam (quod dictu quoque  
 „ nefas est) novis uxoribus copulari, asserentes hoc ideo sibi licere,  
 „ quia benedictionem a pontifice se nesciunt percepisse. Proinde,  
 „ omni excusationum discisso velamine, id præcipimus observari,  
 „ ut, cum iidem subdiacones ordinantur, cum vasis ministerii be-  
 „ nedictio eis ab Episcopo detur, sicut in quibusdam Ecclesiis ve-  
 „ rustas tradit antiqua, & sacra dinoscitur consuetudo substare pro-  
 „ lata, omni penitus ab illis sorde mulierum ac familiaritate remo-  
 „ ta. Quod si hoc vulnere deinceps fuerint fauciati, mox erunt  
 „ sub pœnitentiæ oneribus usque ad extremum vitæ monasteriis  
 „ religandi.,,

(a) Apud BINIUM *cit. Part. II. pag. 490.* AUGUSTINUM *cit. Tit. XVII. Cap.*  
*26.* & LUPUM *cit. Dissert. I. Cap. 10. pag. 65.*

§. XXVIII.

CONCILIIUM TOLETANUM IX. *Can. X. (a)*

„ Cum multæ super incontinentia ordinis clericorum hæctenus  
 „ emanaverint sententiæ Patrum, & nullatenus ipsorum refor-  
 „ mari quiverit correctio morum, usque adeo sententiam judican-  
 „ tium protraxere commissa culparum, ut non tantum ferretur ul-  
 „ tio in actores scelerum, verum & in progeniem damnatorum,  
 „ Ideoque quilibet ab Episcopo usque ad Subdiaconum deinceps,  
 „ qui vel ex ancillæ, vel ex ingenuæ detestando connubio, in ho-  
 „ nore constituti filios procreaverint, illi quidem, ex quibus geniti  
 „ probabuntur, canonica censura damnentur: Proles autem aliena  
 „ pollutione nata, non solum hæreditatem nunquam accipiet, sed  
 „ etiam in servitutem ejus Ecclesiæ, de cujus Sacerdotis vel ministri  
 „ ignominia nati sunt, jure perenni manebunt.,,

(a) CAUSS, *XV. Quest. VIII. C. 3.* & apud BINIUM *cit. Part. II. pag. 516.*





& HARDUINUM *cit. Tom. III. Column. 975.* Conferatur quoque BERARDUS *de Gratian. Canon. Part. I. Cap. 17. pag. 247.*

## §. XXIX.

CONCILIIUM TRULLANUM sive QUINNISEXTUM *Can. VI. (a)*

Quoniam in Apostolicis canonibus dictum est, eorum, qui non ducta uxore in clerum promoventur, solos lectores & cantores uxorem posse ducere, & nos hoc servantes decernimus, ut deinceps nulli penitus hypodiacono, vel diacono, vel presbytero post sui ordinationem contrahere liceat. Si autem fuerit hoc ausus facere, deponatur. Si quis autem eorum, qui in clerum accedunt, velit lege matrimonii mulieri conjungi, antequam hypodionus, vel diaconus, vel presbyter ordinetur, hoc faciat.,,

IDEM *Can. XII. (b)*

Porro hoc quoque ad nostram cognitionem pervenit, quod in Africa & Lybia & aliis locis quidam ex iis, qui illic sunt, religiosissimi Præsules cum propriis uxoribus, etiam postquam ad eos processit ordinatio, una habitare non recusant, ex eo populis offendiculum & scandalum afferentes. Cum itaque studium nostrum in eo magnopere laborer, ut omnia ad gregis in manus nostras traditi nobisque commissi utilitatem fiant, nobis visum est, ut nihil ejusmodi deinceps ullo modo fiat. Hoc autem dicimus, non ad ea abolenda & evertenda, quæ apostolice antea constituta sunt, sed populorum salutis & ad meliora progressionis curam gerentes, & ne status ecclesiasticus ullo probro afficiatur. Dicit enim divinus Apostolus: Omnia ad Dei gloriam facite: sine offendiculo estote & Judæis & Græcis, & Dei Ecclesiæ, quemadmodum & ego omnibus in omnibus placeo, non quærens meam utilitatem, sed multorum ut ferventur. Imitatores mei estote, sicut & ego Christi. Si quis autem tale quid agere deprehensus fuerit, deponatur.,,

---

(a) Apud BINIUM *Concil. Tom. III. Part. I. Sect. prior. pag. 233.* & LUPUM *Synodor. General. Tom. II. pag. 880.* Conferatur DISTINCTIO XXXII. C. 7. De auctoritate hujus Concilii, canonumque in eo editorum agit BERARDUS *de Gratiani Canon. Part. I. Cap. 41. pag. 401.*

(b) Quo-





(b) Quomodo huic *Canon XIII.* cohæret? „ Quoniam Romanæ Ecclesiæ  
 „ pro canone traditum esse cognovimus, ut promovendi ad Diaconatum,  
 „ vel presbyteratum, profiteantur, se non amplius suis uxoribus conjun-  
 „ gendos; nos antiquum canonem Apostolicæ perfectionis ordinis que ser-  
 „ vantes, hominum, qui sunt in sacris, legitima conjugia deinceps quo-  
 „ que firma & stabilia esse volumus, nequaquam eorum cum uxoribus  
 „ conjunctionem dissolventes, vel eos mutua tempore convenienti consue-  
 „ tudine privantes. Quamobrem si quis dignus inventus fuerit, qui hy-  
 „ podiaconus, vel diaconus, vel presbyter ordinetur, is ad talem gradum  
 „ assumi nequaquam prohibeatur, si cum legitima uxore cohabitet. Sed  
 „ neque ordinationis tempore ab eo postuletur, ut profiteatur se a legiti-  
 „ ma cum uxore consuetudine abstenturum: ne ex eo a Deo constitutas  
 „ & sua præsentia benedictas nuptias injuria afficere cogamur, Evangelica  
 „ voce exclamante: *Quæ Deus conjunxit, homo non separet.* Et Apos-  
 „ tolo docente: *Honorabiles nuptias & torum immaculatum. Et, alligatus*  
 „ *es uxori? ne quære solutionem.* Scimus autem, sicut & qui Carthagi-  
 „ ne convenerunt, & vitæ ministrorum honestatis curam gerentes, dixe-  
 „ runt, ut subdiaconi, qui sacra mysteria contrectant, & diaconi & pres-  
 „ byteri secundum proprios terminos a confortibus abstineant, ut & quod  
 „ per Apostolos traditum est, & ab ipsa usque antiquitate servatum, nos  
 „ quoque similiter servemus, tempus in omni re scientes, & maxime in  
 „ jejuniis & oratione. Oportet enim eos, qui divino altari assident, in  
 „ sanctorum tractandorum tempore, esse omnino continentis, ut possint  
 „ id quod a Deo simpliciter petunt, obtinere. Si quis ergo fuerit ausus  
 „ præter Apostolicos Canones incitatus aliquem eorum, qui sunt in sacris,  
 „ presbyterorum, inquit, vel diaconorum, vel hypodiaconorum, con-  
 „ junctione cum legitima uxore & consuetudine privare, deponatur. Si-  
 „ militer & si quis presbyter vel diaconus suam uxorem pietatis prætex-  
 „ tu ejecerit, segregetur: & si perseveret, deponatur.„ Conferatur DIS-  
 „ TINCT. XXXI. C. 13. Recte proin BEWARDUS *cit. Cap. 41 pag. 407.*  
 „ expostulat. „ Prosequuntur Trullani Antistites, & ajunt, injuriam fieri  
 „ nuptiis, & Deo nuptiarum Auctori, quoties eisdem frui non permittan-  
 „ tur sacerdotes, verum ipsimet sua sententia damnantur, dum iidem Epif-  
 „ copi Trullani in Canone 12 conqueruntur, Episcopos quosdam post  
 „ ordinationem suam adhuc cum uxoribus antea ductis conversari, *ex eo*  
 „ *populis offendiculum & scandalum adferentes;* Deinde Episcopis illis pro-  
 „ hibent indicta poena depositionis, *ut nihil ejusmodi deinceps ullo modo*  
 „ *fiat. . . ne status Ecclesiasticus ullo probro afficiatur.* Quærerem hoc in  
 „ loco a Græcis, num injuria fiat nuptiis, aut Deo nuptiarum Auctori,  
 „ si quis ab ipsis abstineat sanctioris vitæ Ecclesiasticæ professione? Si  
 „ fieri injuriam dicunt, ecurr Episcopis interdicitur, ne post Episcopatum  
 „ adeptum cum uxoribus amplius jungantur, Ecurr Episcopis id probro



„ vertunt, *offendiculo & scandalo*? Quod si nullam & nuptiis & Deo injuriam fieri profitentur, cur Subdiaconos, Diaconos, Sacerdotesque prætextu ordinis sui ab uxoris consuetudine abstinentes, *benedictas nuptias injuria afficere* exclamant? Demum iidem Græci perperam contorserunt canonem Carthaginensem de continentia clericorum, quem restringere voluerunt ad tempora vicis Sacerdotalis, contra, quam Sententia ejusdem canonis ferat. Est is canon tertius Concilii Carthaginensis II. ab Ecclesia Græca recepti, cujus hæc sunt verba: *Aurelius Episcopus dixit: Cum in priore Synodo de continentia, & Castitatis modo quærebatur, placuit, ut hi tres gradus, qui vinculo quodam castitatis per consecrationem implicati sunt, Episcopi, inquam, Presbyteri, & Diaconi, ut sanctos Episcopos & Sacerdotes Dei & Levitas, & Divinis Sacrificiis ministrantes decet, in omnibus continententes sint, quo possint, quod a Deo simpliciter petunt, impetrare; ut & quod per Apostolos traditum, & ab ipsa antiquitate servatum est, nos quoque similiter servemus.* Canon ita expressus non eam interpretationem patitur, quæ ipsi a Græcis affingitur, dum perspicue præcipitur: Sacerdotes & Ministros per sacram Ordinationem vinculo quodam castitatis implicari, dum eadem de Presbyteris, & Ministris, quæ de Episcopis, definiuntur, quos tamen Episcopos ipsinet Græci omnino removendos ab uxoribus decreverunt. Etenim qui tantummodo in ordine vicis suæ continere jubetur, non dicitur in vim suæ consecrationis continentiæ quodam vinculo implicari, neque potest Episcopis, qui juxta disciplinam Græcorum perpetuam continentiam profitentur, comparari, & una cum ipsis, eademque lege concludi. Hæc omnia observatione digna arbitratus sum, potissimum quia nonnulli ex recentioribus hæreticis ex hoc canone occasionem optimam rati sunt habere, redarguendi disciplinam Romanæ Ecclesiæ Græcorum disciplinæ merito adversantem. Videant ipsi inprimis, quibus monumentis, quibusque utantur auctoribus, videlicet monumentis, quæ invicem secum non constant, auctoribus autem, qui veterum Patrum sententias detorquere studuerunt, Conferatur insimul LUPUS *cit, Tom. II, pag. 891. & seqq.*

### §. XXX.

CONCILIUM AQUISGRANENSE tempore Ludovici I. *Cap. VI. (a)*

„ Subdiaconi, qui apud græcos Hypodiaconi vocantur, in Esdra  
„ inveniuntur, appellanturque ibi Nathinæi, id est, in humilitate Domino servientes. Ex eorum ordine fuit ille Nathanael, qui in Evangelio Joannis divina proditiōe communitus, salvatorem meruit confiteri. Quique etiam ad primum divinitatis indicium fidelis enituit, protestante Domino ac dicente; *Ecce vere Is-*  
„ *raël.*





„ *vaclita, in quo dolus non est.* Denique isti oblationes in templo  
 „ Domini suscipiunt a populis. Isti obediunt officiis Levitarum.  
 „ Isti quoque vasa corporis & sanguinis Christi diaconibus ad Al-  
 „ taria Domini offerunt. De quibus quidem placuit Patribus, ut,  
 „ quia sacra Mysteria contrectant, casti, & continentes sint ab ux-  
 „ ribus, & ab omni carnali immunditia liberi, juxta quod illis,  
 „ Propheta dicente, jubetur: *Mundamini, qui fertis vasa Domini.* Hi  
 „ igitur cum ordinantur, sicut Sacerdotes & Levitæ, manus impo-  
 „ sitionem non suscipiunt: sed patenam tantum, & calicem de ma-  
 „ nu Episcopi, & ab Archidiacono Scyphum aquæ cum aqua ma-  
 „ nili, & manutergium accipiunt.,”

(a) Apud BINIUM *cit. Part. I. Sect. poster. pag. 211.* & HARTZHELM *Concil. German. Tom. I. pag. 437.*

### §. XXXI.

#### CONCILIUM WORMATIENSE *Can. IX. (a)*

„ Placuit, ut Episcopi, Presbyteri, diaconi, subdiaconi abstineant  
 „ se a conjugibus, & non generent filios. Quod si hoc de-  
 „ cretum violaverint, ab honore clericatus pellantur.,”

(a) Apud BINIUM *cit. Sect. poster. pag. 593.* & AUGUSTINUM *cit. Tit. XVII. Cap. 28.*

### §. XXXII.

#### SYNODUS AUGUSTANA *Cap. I. (a)*

„ Siquis Episcoporum, Presbyterorum, Diaconorum, Subdiacono-  
 „ rumque uxorem accepit, a sibi injuncto officio deponendus est,  
 „ sicut in Concilio Carthaginensi tenetur *Cap. XXV.*,”

#### EADEM *Cap. XI.*

„ Episcopus, Presbyter, Diaconus, Subdiaconus, ut in multis  
 „ Conciliis firmatum est, quia Divina ministeria contrectant, ab  
 „ uxoribus abstineant. Cæteri autem Clerici, quando ad maturio-  
 „ rem ætatem pervenerint, licet nolentes, ad continentiam cogan-  
 „ tur.,”

(v) Apud CANISIUM *Theaur. Monument. Tom. III. pag. 11.* Curante BASNAGE, Et apud HARTZHELM *Concil. Germ. Tom. II. pag. 623.*

§. XXXIII.



— — —  
§. XXXIII.

CONCILIIUM TICINENSE *Can. I. (a)*

„ Nullus Presbyter, nullus diaconus, nullus subdiaconus, nullus in  
 „ clero uxorem aut concubinam admittat, cum nulli quoque  
 „ laicorum scire liceat mulierem præter uxorem. Quod si fecerit,  
 „ secundum ecclesiasticam regulam deponatur. „

(a) Apud LABBEUM *Concil. Tom. XIX. pag. 353.* Curante MANSI. Venetiis 1774.

§. XXXIV.

CONCILIIUM BITURICENSE *Can. VI. (a)*

„ Ut Episcopi nullum amplius ad subdiaconatus gradum ordinent,  
 „ nisi in præsentia Episcopi ante altare sedentis Deo promittat,  
 „ nunquam se habiturum uxorem, neque concubinam, & si tunc  
 „ eam habuerit, mox ei abrenunciet, quod lingua Francorum egu-  
 „ erpire dicimus. „

IDEM *Can. VIII.*

„ Ut filii Presbyterorum sive Subdiaconorum in Sacerdotio, vel  
 „ Diaconatu, Subdiaconatu nati, nullo modo ulterius ad Cleri-  
 „ catum suscipiantur; quia tales & omnes alii, qui non de legitimo  
 „ conjugio sunt nati, *semen maledictum* in Scripturis divinis appellan-  
 „ tur, nec apud sæculares leges hereditari possunt, neque in testi-  
 „ monium suscipi; & qui de talibus Clerici nunc sunt, sacros Or-  
 „ dines non accipiunt, sed in quocunque gradu nunc sunt, in eo  
 „ tantum permaneant, & ultra non promoveantur. „


(a) Apud CABASSUTIUM *in Notitia Ecclesiast. pag. 443.* Bambergæ MDCCLIV.

§. XXXV.

CONCILIIUM TOLOSANUM *Can. VII. (a)*

„ Dlacuit quoque, presbyteros, diaconos & reliquos clericos, qui  
 „ Ecclesiasticos tenuerint honores, abstinere omnimode ab uxo-  
 „ ribus, vel reliquis mulieribus; Quod si non fecerint, honore si-  
 „ mul & officio priventur, & a propriis Episcopis excommunicen-  
 „ tur. „





(a) Apud BINIUM *cit. Tom. III. Part. II. pag. 220. & HARDUINUM Concil. Tom. VI. Part. I. Column. 1045.*

### §. XXXVI.

CONCILIUM ROMANUM *sub Nicolao II. §. Ut nullus missam. (a)*

„ Quicumque sacerdotum, diaconorum, subdiaconorum, post con-  
 „ stitutum beatæ memoriæ prædecessoris nostri Sanctissimi Pa-  
 „ pæ Leonis de castitate clericorum, concubinam palam duxerit,  
 „ vel ductam non reliquerit: ex parte omnipotentis Dei, auctori-  
 „ te beatorum Apostolorum Petri & Pauli, præcipimus & omnino  
 „ contradicimus, ut missam non cantet, neque evangelium vel epis-  
 „ tolam ac missam legat, neque in presbyterio ad divina officia  
 „ cum iis, qui præfatæ constitutioni obedientes fuerint, maneat, ne-  
 „ que partem ab Ecclesia suscipiat, quousque a nobis sententia su-  
 „ per hujusmodi, Deo concedente, procedat.,

(a) Apud BINIUM *cit. Part. II. pag. 224. & HARDUINUM cit. Tom. VI. Part. I. Column. 1062.*

### §. XXXVII.

CONCILIUM ROMANUM I. *tempore Gregorii VII. Cap. XII. (a)*

„ Vetus testamentum partim in ministeriis, partim in moralibus  
 „ præceptis continetur, sed adveniente Christo cessavit in mis-  
 „ teriis & carnalibus observantiis, quia ipse est finis, sive completio  
 „ legis, in moralibus præceptis adhuc manet, quia semper est ob-  
 „ servandum: *Diliges proximum tuum sicut te ipsum.* & reliqua, &c.  
 „ Quicumque ergo ex lege aliquam carnalem observantiam novo  
 „ quidem testamento adversam, adhuc observandam esse dogmatiz-  
 „ zar, præcul dubio cum Galathis, imo cum Ebionitis judaizat.  
 „ Conjugale autem opus Sacerdotum inter carnalis legis observan-  
 „ tiam computatur, quibus unquam Sacerdotibus hoc tantum in le-  
 „ ge successionis causa legitur concessum, quia ex alia tribu nullus  
 „ eo tempore pervenit ad Sacerdotium. Nam nostro tempore ex  
 „ quolibet genere sacerdotes eligere licet, quibus & merito inter-  
 „ dicitur conjugale opus, cum non jam successores habeant necessa-  
 „ rios. Quapropter quisquis & hoc tempore illud Judaicum con-  
 „ jugium




„ jugium sacerdotibus licere cum Sozomeno, vel potius cum Ebio-  
 „ ne dogmatizat, non negligenter illud inevitabile anathema confi-  
 „ derat, quo ipse Apostolicus specialiter judaicarum observationum  
 „ prædicatores anathematizat, Galathas Judaizantes ira deterrens:  
 „ *Sed licet nos, aut Angelus de Cælo evangelizet vobis, præterquam quod*  
 „ *evangelizavimus vobis, anathema sit.* Idem vero inculcans subjun-  
 „ git: *Nunc iterum dico vobis, si quis evangelizaverit præter id quod*  
 „ *accepistis, anathema sit.* Idem quoque Paulus ipsum Principem  
 „ Apostolorum, Antiochiæ licet ejusdem Sedis Episcopum, libera-  
 „ liter corripuit, eo quod non quidem prædicando, sed suo exem-  
 „ plo judaizare cogeret, cum se ab eorum convivio pro timore Ju-  
 „ dæorum simulando subtraheret. Præterea ipse hæresiarches He-  
 „ bion cum omnibus suis sectatoribus inter reliquos hæreticos ana-  
 „ thematizatus est a sacratissima Synodo Constantinopolitana, & a  
 „ B. Gelasio Papa in Apostolica Sede, quod anathema nullus sub-  
 „ terfugere poterit, quicumque ipsum hæresiarcham per Sozomeni  
 „ cap. sectari præsumpserit.,

IDEM Cap. XIII. 1

„ **Q**uidam etiam videntur sibi nimium scioli, asserentes inconti-  
 „ nentiam sacerdotibus esse concessam in illo Apostoli: *unusquis-*  
 „ *que suam uxorem habeat.* Qui autem non intelligunt, quæ loquun-  
 „ tur, neque de quibus affirmant; aut, si intelligunt, suam ipsorum  
 „ conscientiam impugnant. Nam attestante B. Hieron. Corinthi  
 „ inter cætera ab Apostolo quæsierant, an nuper renatis in Christo  
 „ carnalis copula licita esset? quibus ita rescripsit Apostolus: *de qui-*  
 „ *bus autem scripsistis mihi, bonum est hominem mulierem non tangere;*  
 „ *propter fornicationem autem unusquisque suam uxorem habeat, unaque-*  
 „ *que virum suum. Uxori vir debitum reddat, similiter autem & uxor*  
 „ *viro. Mulier sui corporis potestatem non habeat, sed vir. Similiter &*  
 „ *vir sui corporis potestatem non habeat, sed mulier. Nolite fraudare in-*  
 „ *vicem, nisi forte ex consensu ad tempus, ut vacetis orationi: quod ita*  
 „ *exponit B. Hieronym. in lib. contra Jovinianum: non dixit Aposto-*  
 „ *lus: propter fornicationem ducat unusquisque uxorem; alioquin hac excu-*  
 „ *satione libidini frena laxasset, ut quotiescunque uxor moriatur, toties*  
 „ *ducenda sit alia, ne fornicemur: sed unusquisque uxorem suam habeat:*  
 „ *suam, inquit, habeat, sua utatur, quam habebat, antequam crederet,*  
 „ *quam bonum erat non tangere, & post fidem Christi sororem tantum*






„ *nosse, non conjugem; nisi fornicatio tantum excusabilem faceret. Nolite*  
 „ *fraudare invicem, nisi forte ex consensu ad tempus, ut vacetis orationi.*  
 „ Oro re, quale illud bonum est, quod orare prohibet, quod cor-  
 „ pus Christi accipere non permittit; quamdiu enim impleo mariti  
 „ officium, non impleo continentis. Juber idem Apostolus in alio  
 „ loco, ut semper oremus; si semper oramus, nunquam conjugio  
 „ serviendum est, quandoquidem quotiescunque uxori debitum red-  
 „ do, orare non possum. Sic & Petrus Apostolus docet Christia-  
 „ nos, ut infirmiori vasculo muliebri honorem tribuant, ab opere  
 „ conjugali cessantes, ne impediuntur eorum orationes. Quis ergo  
 „ sanæ mentis prædictas Apostoli sententias de exercendo conjugali  
 „ opere sacerdotibus ascribat, quorum quotidianum est officium;  
 „ non modo orare, sed & divina sacramenta contrectare, præsertim  
 „ cum in eodem loco etiam cuilibet Christiano tempore orationis  
 „ injungatur continentia. Nempe si Apostolus his etiam sacerdoti-  
 „ bus carnalem copulam concederet, profecto contrarius sibi esset,  
 „ qui ad Titum scribens præcipit, ut sacerdotes sobrii, justi sint,  
 „ atque continentes. Et non hic sacerdotibus, sed laicis, & his  
 „ non solidum cibum, sed lacteum porum minitrat, ut pura neo-  
 „ phitis, qui nondum sibi, necdum aliis sufficienter erant instructi.  
 „ . . . Idem Apostolus sacerdotale officium penitus intercludit. Ea-  
 „ dem etiam ratione probatur, ad Laicos, non sacerdotes spectare,  
 „ quidquid idem Apostolus scribit de exercendo opere conjugali,  
 „ ut illud: quod si se non continent, nubant. *Melius est nubere,*  
 „ *quam uri.* Id est, melius est legitimo marito misceri, quam for-  
 „ nicari. Et illud: *solutus es ab uxore, noli quæverè uxorem, si acce-*  
 „ *peris uxorem, non peccasti; si nupservit virgo, non peccat.* Hoc itaque  
 „ nullo modo de sacerdotibus vel de aliis continentie dedicatis  
 „ dicitur; sed de illis tantum, qui legitime conjugari possunt, un-  
 „ de B. Hieron. in lib. suprascripto: *si, inquit, nupservit virgo, non*  
 „ *peccabit, non illa virgo, quæ semel Dei cultui dedicata; harum enim si*  
 „ *qua nupservit, damnationem habebit, quia primam irritam fecit fidem:*  
 „ *si autem hoc de viduis dictum objecerit, quanto magis de virginibus præ-*  
 „ *valebunt, cum etiam his non liceat, quibus aliquando licuit, virgines*  
 „ *enim, quæ post consecrationem nupservint, non tam adulteræ sunt, quam*  
 „ *incestæ.* Si ergo prædictæ Apostoli sententiæ hujusmodi conti-  
 „ nentibus carnalem copulam non concedunt, quanto minus sacer-  
 „ dotibus, maxime cum illæ simpliciter ad continentiam sint con-  
 „

„ *secra-*






„ fecratae, illi autem ipsis continentibus sint praelari, & per vene-  
„ randam manus impositionem, & per sacrosancti chrismatis unctio-  
„ nem. Præterea idem Apostolus ipsis, quibus conjugale opus  
„ exercere concedit, eisdem etiam secundum nuptias inire licenter  
„ permittit. Soluta enim ab uxore aliam ducere concedit, & vi-  
„ duæ nubendi licentiam attribuit. Nullatenus ergo sacerdotes sub  
„ permissoria carnalis copulæ sententia comprehendit, quibus in Epist.  
„ ad Timoth. & Titum digamiam penitus prohibuit, cum jubeat  
„ tantum unius uxoris virum eligi ad sacerdotium: nam nec apud  
„ ethnicos bigamia licebat sacerdotibus B. Hieronymo asserente con-  
„ tra Jovinianum.

„ *Legant, inquit, nostrates, antequam religio nostra fulgeret in mun-*  
„ *do, unicubas semper habuisse inter matronas decus, per illas fortunae*  
„ *muliebri sacra fieri solita, nullam sacerdotum bigamum, nullum flaminem*  
„ *bimavitum. Hierofantas quoque Atheniensium usque hodie cicutæ sorbi-*  
„ *tionem castrari, & postquam in Pontificatum electi fuerint, viros esse de-*  
„ *sinere.* Quicumque autem prædicti Apostoli verba in tantum adul-  
„ terant, ut sub eorum perversa interpretatione etiam sacerdotibus  
„ incontinentiam licere consignant, procul dubio sequuntur Nico-  
„ laum hæresiarchen, quem Clemens Alexan. in 3. lib. Stromatum  
„ refert, uxorem suam cuilibet etiam volenti prostituisse, & hoc  
„ exemplo suo docuisse, cunctis promiscua atque communia fœmi-  
„ narum consortia licere, & hoc ideo, ut a majoribus . . . . quia  
„ scriptum est: *& erant illis omnia communia*, inter quæ Nicolaus  
„ numeravit & conjugia. Sicut ergo ille Apostolicum exemplum  
„ nimis generaliter & perversè acceptum in hæresim mutasse refer-  
„ tur, sic & isti illud Apostoli: *unusquisque uxorem suam habeat*, ni-  
„ mis generaliter & perversissime interpretantes, in errorem ver-  
„ tisse notantur, qui sub eodem exemplo contra eundem Aposto-  
„ lum sacerdotibus conjugale opus concessum fallaci pertinacia con-  
„ tendunt. Quamvis enim in sacris ordinibus promiscua fœmina-  
„ rum consortia magis detestanda sunt, quam singularia, deprava-  
„ tio tamen Apostolicæ institutionis ipsi hæresiarchæ Nicolao minus  
„ imputanda videtur, quam istis. Ille enim eo quidem tempore  
„ Apostolicam doctrinam male interpretatus est, cum vix imprimis  
„ nomen Christianitaris incepisset, cum Evangelicæ, & Apostolica  
„ doctrina nondum esset per totum mundum dilata, nondum tot  
„ virtutibus tot signis, tot sacratissimis S. S. Martyrum triumphis  
„ appro-





„ approbata. Isti autem eandem doctrinam jam ubique, ignotam  
 „ nec rusticis jam dudum, imo jam ab antiquo sanguine S. S. Pa-  
 „ trum consecratam & irrefragabiliter corroboratam obstinatissima  
 „ temeritate nituntur depravare. Unde & illam perditionem sub-  
 „ terfugere nequibunt, quam ipse princeps Apostolorum deprava-  
 „ toribus scripturarum assignat, qui epistolas coapostoli ejus Pauli  
 „ ita nobis commendat: *In quibus, inquit, epistolis sunt quaedam dif-*  
 „ *ficilia intellectu, quæ indocti, & instabiles pravant, sicut & cæteras*  
 „ *scripturas ad suam ipsorum perditionem.* Vos ergo fratres præscien-  
 „ tes, custodire, ne insipientium errore traducti excidatis a propria  
 „ firmitate; ut autem clarius eniteat, Apostolum in superioribus  
 „ sententiis non sacerdotibus, sed laicis carnale commercium indul-  
 „ sisse, diligenter inspicimus, quod idem Apostolus ministros san-  
 „ ctorum observare decernat, & quibus sacros ordines concedi vel  
 „ denegari constituat; Nam in eadem Apostolica institutione &  
 „ defensoribus sacerdotalis incontinentiæ perpetuum silentium evi-  
 „ denter imponitur, & præfata nostri Apostolici statuta irrefragabi-  
 „ liter corroborantur, quippe quæ nulli sacrum officium interdi-  
 „ cunt, nisi quem & Apostolica præcepta penitus ab ipso sacro or-  
 „ dine secludunt. „

(a) Apud BINIUM *cit. Part. II, pag. 387.* & HARDUINUM *cit. Tom. VI, Part. I, Column. 1533.*

### §. XXXVIII.

#### CONCILIIUM ANSANUM *Can. V. (a)*

„ Est autem decretum a sanctis Patribus in Concilio, & catholi-  
 „ cis Episcopis, ut sacerdotes ab uxoribus se abstineant; sin-  
 „ t autem, in Ecclesiis sacrum mysterium non faciant, & ipsas Ec-  
 „ clesias, quas possident, perdant. „

(a) Apud MARTENE *Theaur. anecdot. Tom. IV. pag. 76.*

### §. XXXIX.

#### CONCILIIUM CLAROMONTANUM *Can. IX. (a)*

„ Ut nullus sacerdos, aut Diaconus, aut Subdiaconus, sed &  
 „ nullus,





„ nullus, qui canonicam habet, fornicationis sibi copulam adjun-  
„ gat. Quod si fecerit, a canonica omnino arceatur. „

---

(a) Apud BINIUM *cit. Part. II, pag. 416.* qui & refert alium ejusdem Conci-  
lii canonem tenoris: „ Eademque opera omnem simoniacam rerum sacra-  
„ rum acquisitionem vetuit. Prohibuit omnibus, in ordinibus sacris con-  
„ stitutis, ne cum mulieribus, vel matrimonio conjunctis, vel non  
„ conjunctis, consuetudinem haberent, sed in perpetuo degerent coeli-  
„ batu. „

### §. XL.

#### CONCILIUM LONDINENSE III. (a)

„ Ut nullus Archidiaconus, presbyter, diaconus, canonicus uxo-  
„ rem ducat, aut ductam retineat. Subdiaconus vero quilibet,  
„ qui canonicus non est, si post professionem castitatis uxorem duxe-  
„ rit, eadem regula constringatur. „

---

(a) Apud BINIUM *cit. Part. II, pag. 437.* & HARDUINUM *Concil. cit. Part. II. Column. 1890.*

### §. XLI.

#### CONCILIUM RHEMENSE sub Calixto II. *Can. V.* (a)

„ Presbyteris, diaconibus, subdiaconibus, concubinarum & uxo-  
„ rum contubernia penitus interdicimus. Si qui autem hujus-  
„ modi reperti fuerint, ecclesiasticis & officiis priventur & benefi-  
„ ciis. Sane si neque sic immunditiam suam correxerint, commu-  
„ nione careant christiana. „

---

(a) Apud BINIUM *cit. Part. II, pag. 462,* & HARDUINUM *cit. Part. II. Column. 1984.*

### §. XLII.

#### CONCILIUM LATERANENSE sub Calixto II. *Cap. III.* (a)

„ Presbyteris, Diaconibus, vel Subdiaconibus concubinarum &  
„ uxorum contubernia penitus interdicimus, & aliarum mulie-  
„ rum





„ rum cohabitationem: præter quas Synodus Nicena per solas ne-  
 „ cessitudinum causas habitare permisit, videlicet matrem, foro-  
 „ rem, amitam, vel materteram, aut alias hujusmodi de quibus  
 „ nulla valeat iuste suspicio oriri. „

(a) Apud BINIUM *cit. Part. II. pag. 464.* & HARDUINUM *cit. Part. II. Co-  
 lumn. IIII.*

### §. XLIII.

#### CONCILIIUM LONDONIENSE I. *Can. VIII. (a)*

„ Præcipimus etiam nec uni personæ archidiaconatus vel diversi  
 „ ordinis tribuantur honores. Presbyteris, diaconibus, subdia-  
 „ conibus, canonicis, uxorum, concubinarum, & omnino omnium  
 „ fœminarum contubernia auctoritate Apostolica inhibemus, præ-  
 „ ter matrem, sororem, amitam, five illas mulieres, quæ omni  
 „ careant suspicione. Qui hujus decreti violator extiterit, confes-  
 „ sus vel convictus, ruinam proprii ordinis patiatur. „

(a) Apud BINIUM *cit. Part. II. pag. 470.* & HARDUINUM *cit. Part. II. Co-  
 lumn. 1205.*

### §. XLIV.

#### CONCILIIUM LATERANENSE *sub Innocentio II. Can. VI. (a)*

„ Decernimus etiam, ut ii, qui in ordine subdiaconatus, & su-  
 „ pra uxores duxerint, aut concubinas habuerint, officio atque  
 „ ecclesiastico beneficio careant. Cum enim ipsi templum Dei, va-  
 „ sa Domini, sacrarium Spiritus sancti debeant esse, & dici, indig-  
 „ num est, eos cubilibus & immunditiis deservire. „

#### IDEM *Can. VII.*

„ Ad hæc prædecessorum nostrorum Gregorii Septimi, Urbani,  
 „ & Paschalis Romanorum Pontificum vestigiis inhærentes,  
 „ præcipimus, ut nullus missas eorum audiat, quos uxores vel con-  
 „ cubinas habere cognoverit. Ut autem lex continentiae & Deo  
 „ placens



„ placens mundicia in ecclesiasticis personis, & sacris ordinibus dilaretur, statuimus, quatenus Episcopi, Presbyteri, Diaconi, Subdiaconi, Regulares, Canonici, & Monachi, atque conversi professi, qui sanctum transgredientes propositum uxores sibi copulare præsumperint, separentur. Hujusmodi namque copulationem, quam contra Ecclesiarum regulam constat esse contractam, matrimonium non esse censemus. Qui etiam ab invicem separati, pro tantis excessibus condignam pœnitentiam agant.,,

(a) Apud BINIUM *cit. Part. II. pag. 487.* & HARDUINUM *cit. Part. II. Column. 1209.*

### §. XLV.

CONCILIIUM RHEMENSE *sub Eugenio III. Can. VII. (a)*

„ Quia vero continentia, & Deo placens munditia in Ecclesiasticis personis & sanctis ordinibus dilatanda est: sanctorum Patrum & prædecessoris nostri Papæ Innocentii vestigiis inhærentes, statuimus, quatenus Episcopi, presbyteri, subdiaconi, regulares Canonici, Monachi, atque conversi professi, qui sacrum transgredientes propositum uxores sibi copulare præsumperint, separentur: hujusmodi namque copulationem, quam contra ecclesiasticam rationem constat esse contractam, matrimonium non esse censemus. Qui etiam ab invicem separati, pro tantis excessibus condignam pœnitentiam agant. Id ipsum quoque de Sanctimonialibus, si quod absit, nubere tentaverint, observari præcipimus.,,

(a) Apud BINIUM *cit. Part. II. pag. 506.* & CABASSUTIIUM *in Notit. Ecclesiast. pag. 479.* Conferatur CAUSS. XXVII. *Quæst. I. C. 40.*

### §. XLVI.


CONCILIIUM LATERANENSE II. *sub Alexandro III. Can. XI. (a)*

„ Clerici in sacris ordinibus constituti, qui mulierculas suas in domibus suis incontinentiæ nota tenuerint, aut abjiciant eas,

K

„ &





„ & continenter vivant, aut ab officio & beneficio ecclesiastico fiant  
 „ alieni. Quicumque incontinentia illa, quæ contra naturam est,  
 „ propter quam venit ira Dei in filios diffidentiae, & quinque civi-  
 „ tates igne consumpsit, deprehensi fuerint laborare: si clerici fue-  
 „ rint, ejciantur a clero, vel ad pœnitentiam agendam in monas-  
 „ teriis detrudantur: Si laici, excommunicationi subdantur, & a  
 „ coetu fidelium fiant prorsus alieni.,

(a) Apud BINIUM *cit. Part. II. pag. 557.* & HARDUINUM *cit. Part. II. Column. 1678.*


## §. XLVII.

### CONCILIIUM LONDINENSE *sub Gregorio IX. (a)*

„ Innotuit nobis, referentibus plurimis fide dignis, quod multi  
 „ In propriæ salutis immemores, matrimoniis contractis clandestine,  
 „ retinere cum uxoribus ecclesias, & ecclesiastica beneficia adipisci,  
 „ de novo promoveri ad sacros ordines, contra statuta sacrorum  
 „ canonum, non formidant. Deinde processu temporis, proli-  
 „ susceptæ de tali copula expedire videtur, ipsis viventibus vel de-  
 „ functis, per testes vel instrumenta probare, contracta fuisse ma-  
 „ trimonia inter eos. Verum quia per clericos matrimonio seu  
 „ contubernio intendentes procurari animarum perditio, negligi  
 „ salus earum, & ecclesiastica diripi, morbo, qui multum invaluisse  
 „ asseritur, sic duximus occurrendum, ut si repertum fuerit ali-  
 „ quos taliter contraxisse, & ab Ecclesiis & ecclesiasticis beneficiis,  
 „ quibus tam eos, quam quoslibet uxoratos fore decernimus ipso  
 „ jure privatos, removeantur omnino: & si quæ bona post hujus-  
 „ modi matrimonium qualitercunque quæsitæ fuerint, per ipsos vel  
 „ submissas personas de bonis eorum, ea nequaquam filiis vel uxori-  
 „ bus hujusmodi, sed Ecclesiis, quas tenuerunt, vel in quibus  
 „ habuerunt beneficia, protinus applicentur. Ipsi quoque filii, ad  
 „ ecclesias & ecclesiastica beneficia & ecclesiasticos ordines, velut  
 „ inhabiles, nullatenus admittantur, nisi cum eis, exigentibus eorum  
 „ meritis, fuerit canonice dispensatum.,

(a) Apud BINIUM *cit. Part. II. pag. 710.* & HARDUINUM *Concil. Tom. VII. Column. 621.*





## §. XLVIII.

CONCILIIUM MOGUNTINUM *Cap. XXXIX. (a)*

„ **L**icer multa super continentia Clericorum, Patrum hætenus  
„ emanaverint instituta, quia tamen adhuc nonnulli Clerici  
„ lumbos suos cingulo continentia, ut accepimus, non accingunt  
„ in animæ suæ grave periculum, & scandalum plurimorum, non  
„ attendentes, quod scriptum est: *Sancti estote, quoniam Sanctus*  
„ *sum, &c.* Nos, qui saltem circa undecimam horam missi fu-  
„ mus, ut nociva de vinea Domini Sabaoth, ex officio nobis in-  
„ juncto, quantum ipse dedit, extirpemus, quia *zelus nos comedit*  
„ *Domus Dei*: hujus igitur sacri approbatione Concilii duximus ali-  
„ quid statuendum. Præcipimus igitur, ut Clerici continenter &  
„ caste vivere studeant univèrsim, maxime in sacris ordinibus con-  
„ stituti, quatenus in conspectu Omnipotentis Dei puro corde va-  
„ leant ministrare: Si quis autem Clericorum deinceps visus fue-  
„ rit incontinentiæ vitio laborare, detinendo concubinam; nisi post  
„ ammonitionem canonicam illam prorsus a se expulerit, tunc offi-  
„ cio & beneficio spoliatur: Si vero nec fœtorem suæ libidinis  
„ curaverit evitare, quia crescente conrumacia crescere debet &  
„ poena, anathematis gladio feriatur. „

---

(a) Apud HARTZHEIM *Concil. German. Tom. III, pag. 607.*

## §. XLIX.

CONCILIIUM VIENNENSE *Cap. III. (a)*

„ **P**ræsents igitur Concilii approbatione præcipimus, ut Clerici  
„ continenter & caste vivere studeant; quatenus puro & mundo  
„ corde Deo possint in officio ecclesiastico ministrare. „

---

(a) Apud HARTZHEIM *cit. Tom. III, pag. 633.*





## §. L.

SYNODUS OLOMUCENSIS *Cap. I. (a)*

» Nos hujusmodi vitium a sanctis Patribus, & eorum institutio-  
 » nibus prohiberi, & detestari scientes, & sicut Religioni Sa-  
 » cerdotum convenit, prospectum cupientes, monemus omnes Præ-  
 » latos, & Clericos nostræ Diœcesis, ut continenter & caste stu-  
 » deant vivere.,»

(a) Apud HARTZHEIM *Concil. German. Tom. IV. pag. 269.*

## §. LI.

CONCILIIUM MAGDEBURGENSE *Cap. XX. (a)*

» Attendentes insuper, quod scriptum est, & dictum præcipue  
 » Sacerdotibus, & Clericis universis: *Sancti estote, quia Sanctus*  
 » *ego sum*: Præcipimus hujus approbatione Concilii, ut universi  
 » in sacris Ordinibus constituti studeant caste vivere, quatenus in  
 » conspectu omnipotentis Dei, puro corde, & mundo corpore va-  
 » leant ministrare.,»

(a) Apud HARTZHEIM *cit. Tom. IV. pag. 421.*

## §. LII.

CONCILIIUM TRIDENTINUM *Sess. XXIV. Can. IX.*

» Si quis dixerit, clericos in sacris ordinibus constitutos, vel re-  
 » gulares castitatem solemniter professos, posse matrimonium  
 » contrahere, contractum validum esse, non obstante lege Eccle-  
 » clesiastica, vel voto, & oppositum nihil aliud esse, quam dam-  
 » nare